

谷

音

谷音

四部叢刊集部

谷音名目

王澹六首

程自脩七首

冉琇六首

元吉五首

孟鯁四首

安如山二首

王翥五首

師嚴六首

張琰五首

汪涯三首

詹本三首

皇甫明子三首

丁開四首

鮑輓七首

崔璆三首

魚潛五首

柯芝三首

柯茂讓二首

邵定二首

熊與猷二首



晏又二首

孫璉二首

楊應登二首

楊震五首

曾童子澈一首

番易布衣一首

瀟湘漁父一首

古碑文一首

閩清野人一首

羅浮狂客一首

谷音名目終



谷音上

遼東王澮玄佐

澮博學醇行博州刺史迎為師教授弟子百餘
真祐中就拜宣撫遼東宰相累書請澮之鎮澮
不應浮海遯去

河之坊

河之坊矣截々其平豈曰不力言持其盈國既覆矣視
爾曹々云胡昊天不終惠我生云胡昊天疾威堂々輶
轉翫日四國卒荒偃仰在位不知匪臧不顧其行有粟
有粟亦集于岳則不敢饘抑餬余口諱曰哲矣孰秉其
咎知我懷々不知我疚陟彼南山石其扁矣戒爾勿傷



足其趺矣啗、啗、顏之覲矣倚余何言涕之泫矣民
之種、具曰贅疣弗于爾躬曷云能瘳勗哉夫子保爾
有位慎爾為猶

感遇

迅景走北陸高木交朔風衆情悅茲治豈云惠其終萬
事無不有流轉大化中古來論成敗吐、魚為龍牛車
竄下國勢異情則同蒲姚本狙擊桓、湯武功彼美二
三子一笑清酤空

兩虎鬪中野利乃歸衡虞血肉相蹂躪鼓吹行通衢獨
倚剗膂力箕踞傾百壺未必非禍福凡百持爾軀吾聞
虎畏羆吹竹不枝梧

光風蕩繁囿丹綠綴柔柯游子去萬里空閨歛翠蛾行
雲落江水酒盡不成歌雞飛與狗走妾命獨奈何
槁梧蒙絃冕崢嶸化侯王饗餌先百牢蘭烟浮玉房兒
女何所見拜跪色甚莊四海正聲瞽威靈爾翕張哀哉
杞梓材棄捐官道傍

贈段十

相識風塵下斯文伯仲間騎驢逢聖日捫蝨對秋山忠
信偏成拙支離最得閑秦川貴公子早計適荆蠻

洛陽程自脩忘吾七首

自修性孝友讀書城東門翰林元祐之上其言
行除禮部郎中自修聞之弃家南去

歸龍門

來往空書札行藏但布衣直為知己用可惜轉頭非歲
月百憂集江山一笑歸彌生狂到死君子要知機

出城

束帶供人事扶藜強病身誅求非上意盜賊本良民濕
翠山藏雨輕黃柳帶春小兒隨白首行坐各霑巾

獨坐

終南在吾目秋色遠接應誰招天外翠來作牕中靚娟
娟初畫眉盈、獨臨鏡雲去物象空日出心源印我欲
往從之有客誇捷徑洗耳復洗耳松風入清聽

痛哭

日射石虬鱗甲開草色又換青春回精靈聚散豈拘束
山鬼叫呼松栢哀當時沸天簫鼓動今日悲風陵上來
匆々今古成傳舍人生有情淚如把乾坤誤落腐儒手
但遣空言當汗馬西晉風流絕可愁悵望千秋共瀟灑
歲云暮矣

歲云暮矣百工休獨持千古供索遊丈夫礪落如天日
促々胡為升斗謀望塵下拜乃東市山中茹芝可白頭
嗚呼此道棄如土眼中歷々聖賢蠹鄉里小兒紇那歌
前輩先生八風舞欲挽東流無萬牛抱膝長吟聽更雨
送元吉歸河東

獨憐風格困塵埃敢料天涯共酒盃花鳥偏於前輩好

江山更有後人哀
顏回盜跖終歸命
諸葛曹王豈論才
正自別離愁未透
更教柳色帶青來

王猛墓

男兒有才須有識
死墓蠻夷真可惜
君不見渴虎不飲
盜泉水始吾虞君
今已矣

瑯琊冉琇溫季六首

琇好縱橫談業漁
獵世為李氏客
難且作琇累
書止之不聽乃南走
渡江聞璫滅東鄉
三哭伏

劒

蓬萊閣

倚闌吟不就看劒
老相催鳥逐孤雲
沒帆從別國回魯

連惟有死王榮不勝哀為問依、柳秋聲何處來

端臺

游目端臺上煙色秋暖暝當時駐文與君臣良宴會歌
鍾正喧、華纓接飛蓋行樂遽未央已見顏色改爽鳩
焉可知齊景尚何在世運如日月朝夕還相代

海州

波濤起天末舟楫滿城隅管晏非王佐田韓有霸圖何
門堪取履吾道欲乘桴倚杖春風近含愁向綠蕪

宿京口

推蓬在京口山色對秋眠搔首半帆落懷人孤月懸形
骸成獨往風物共流年隨處逃名姓烏啼又發船

秦吉了

有鳥秦吉了鳴聲一何悲自言承主恩十載供提攜離
籠閉羽翼繫之雙華縷一朝不終惠零落投荒夷自傷
去漢土豈不懷南枝誠堪利主家生死不敢辭努力萬
里風寄此長相思

獨立

獨立春將晚周游道正窮江山千古後形影百年中士
論元無的人生各有終臨危負知己淚落海雲東

河東元吉文中五首

吉太原大俠人也報仇市上吏來捕更殺吏走
太行谷中會以赦歸乃絕嘗與游者三年通左

氏史記家益貧至元甲子從戍開平道卒

上黨

怒山出老掌拳寒色頑
巖巖城根揷沙水斗絕
虎相視惜憶昔宣武兵
最彊合圍步驟如搯吭
卽知一叱立破散進通
亞子口尚黃嗚呼皇天
肯悔禍豈有盜賊稱天
王要留千古論曲直故
壘依稀榆葉赤

自葫蘆河至居庸關

男兒不成名命也負羈絏投袂出門去
浩蕩破邊色飛沙白盪胞落葉黃沒膝
微陽割層暝山骨緊格々扶眼已崢嶸
置身何突兀健鷗勢欲落老馬智亦屈
氣岸勇枝梧脉絡大包括物候秋冬交
土風夷夏隔懷歸畏簡

書欲往投鬼域無言答酸楚有血洒寥閬古來喪亂中
天地坐踞形骸盡則已烈士要馬革

陪翟三游平州東城

老境逢春色平州聚德星不堪歌敕勒并欲索丁零雪
泥殘年白山呈太古青殊方更分手暮角若為聽

早發博州

落：空城在蕭：獨客歸古今殊未了心迹每相違魏
國山河羨唐家節度非偷生慚宿鳥霜月上征衣

夜坐

森：夜氣落寒欄閑把離騷酒正酣忽憶梅花不成語
夢中風雪在江南

曲阜孟鯁介甫四首

鯁沈毅雄略中統癸亥山東兵欲起叔鯁計事
甲者三至鯁不肯遂被害

徐州

徐州壓城霜木赭可能回首風塵下當年縞素從西來
仰天伏地聲鳴啞君臣大義日月白牧野鳴條其亞帝
王氣象佳葱：舉止却類田舍翁美人璵玉是冀土四
海正在水火中如龍如虎尚蹉跎况乃監子貪天功

南京

惜：坊陌深春活：河流雨過渾花鳥幾時充貢賦
牛羊今日上丘原猶傳柳七工詞翰不見朱三有子孫

我亦前生梁楚士獨持心事過夷門

猛虎

猛虎被束縛皮肉不相保人生到錯逆天地亦草
來割據何代無可憐百萬殉匹夫漁陽突騎如風火青
州城門鉄作樞丈夫好在識時務座上赤龍公莫舞沙
海荒魂不歸莫說青州淚如雨

折花怨

匆匆杯酒又天涯晴日牆東叫賣花可惜全生不全死
却隨春色去誰家

廣漢安如山汝止 二首

如山善擊劒左右射讀經史百氏之書端平甲

午安撫曹友聞辟掌書記不起友聞戰死三泉
如山往收其骨藏諸其先之側乃東下老子會
稽

曹將軍

將軍精悍姿齒、碎鉄石在昔童稚中但聞飽經術縱
橫騁柔翰丹腹間金碧有司塞明詔救邑屈詞伯芹香
春水生冠玉侍重席脫略章句陋搜抉窮理窟未及文
化成其如王土窄文夫報主願豈必蒙清秩蒼然請去
位滿面秋栗烈糾合熊虎群旌旆揚廣陌正當摩厲間
一鼓拔勦敵屯兵汚水源千里斧截、浩蕩排煙旻西
極安嶼岫柰何國無人腐儒秉旄鉞賞予入私門金湯